

漫  
堂  
年  
譜

以下第二卷

五十八年己巳

五十六歲正月疏請兵米寬至九月徵收

附疏畧看得江省額徵本色兵米向與兵餉錢

糧一例四月完半九月全完有司恐誤考成按

期徵比不取稍緩江省地瘠民貧蓋糴絕少四

月糧苗之際何能有米輸將小民迫於追呼勢

必稱貸以應不特入城候比貽誤農務且恐加

利揭債重費民財臣等經籌思必得變通之法

始可紓民力而重農功茲據督糧道詳稱經臣

案查節年存倉兵米原奉部文放舊存新除盡

接上寫一  
格寫

支本年兵米外。尚存剩米。二萬二千四百八十  
五石七斗九升零。則康熙二十八年四月完半  
之創。自可寬至九月秋成。一併徵完。當備下年  
支放。將來連年。可寬至九月全徵。小民東作之  
時。永免追呼之擾。而倉米不致久貯。可無泥爛  
耗折之虞。兵丁常支新米。足資士馬飽騰之助

二月以

曹恩蒙賜緞四疋。寧都界連閩粵流棍李矮  
李滿等。始以佃田為業。後黨羽漸衆。號稱田兵。

冊

公移行寫注  
在詳公移下

盤踞山谷。挾人邀贖。尋及婦女。有司不敢問。經  
鄧珣等告發。密檄贛南道。以計擒其渠魁。具題  
正法。餘黨解散。閏三月。各衛漕船。因前大兵  
進勦。排搭浮橋。及凍阻淮北。損壞二十五隻。奉  
部文。賠造貧丁苦不措。余疏請寬限二年。陸續  
賠補。四月。因編定賦役全書。遵 旨條議。應  
行應改款項。凡二十餘事。頗為縝晰。疏奏未載。  
七月。建理學忠節二祠。詳公移。

附公移署 記者。國之大事。道統之似。功。功德之  
漸被。名節大義之昭垂。皆足以興人心。扶世教。

按南昌府志。舊有先賢諸祠。或分祀。或合祀。今  
多蕩為荒煙野草。欲各踵其舊址而復之。為費  
不貲。無可措給。本都院思建理學名賢為一祠。  
忠節名賢為一祠。萃其主而合祀之。似合典禮。  
仰學道會同布政司。照牌關先賢祠祀事理。宜  
分宜合。宜增宜否。一一斟酌詳議。舉行。隨據江  
西提學道僉事邵廷齡會同布政司呈詳內開。  
理學為治化之先。忠節乃風教之本。今憲臺合  
理學名賢為一祠。忠節名賢為一祠。尤為盡善。  
竊等敢不稟重加詳。俾垂永久。豫章宿稱理學

淵教。自吾道南來。教化是邦。端自潛臺子始。當  
奉為正主。其次則晉豫章太守。范武子寶。唐東  
州刺史。韓退之愈。宋饒州守。范希文仲淹。以及  
周茂叔。敦頤。曾知南康軍。程伯溫。珦。則二程之  
父。曾判南安。朱晦菴。嘉。曾提點江西刑獄。亦知  
南康軍。張南軒。栻。曾知東州。真西山。德秀。曾知  
隆興府。即今之南昌。凡此數賢。皆分守茲土。昌  
明正道者也。允宜崇祀。其次則其鄉之賢矣。歐  
陽永叔。修。陸象山。九淵。俱從祀孔廟。又如象山  
之兄。復齋。九齡。梭山。九韶。亦與諸子往復論辯。

前有羅仲素從彦。為楊龜山門人。原籍豫章。徙居劍浦。又其次。則為朱子之門人。如黃勉齋。鄭魯。辛旼。與李弘齋。楊元德。冷黃商伯。賴德安。蔡元思。俱從學鹿洞者也。宋末陳雲桂。游著禮記集說。饒雙峯。魯亦受業勉齋。元吳草廬。著著述五經。闡晰微義。之教子者。皆得崇祀。明興。江石。御賢。如胡若思。嚴吳康齋。與弼。胡敬齋。居仁。羅整菴。欽順。張東白。元楨。羅一峯。倫。鄒東廓。守益。羅念庵。洪先。歐陽南野。德。羅近溪。汝芳。舒梓溪。芬。胡正甫。直。胡敬方。直。鄧定宇。以讀魏水。

洲良鄉。萬益父思謙。李見羅材。王塘南時。張萬  
以忠廷言。鄧潛谷元錫。章斗津漢。鄧南皋元樛。  
皆是御前輩。理學醇儒。宦遊則王伯安。守仁。蔡  
虛齋。清。卽二泉。賓。尤卓。卓者。自潛臺子而下。共  
得四十七人。職等於理學祠。不敢不慎重確議  
者。此也。再查前代名賢。如漢之陳蕃。梁陳間之  
黃法甌。唐之韋昌。皆原有祠廟。今惟革去邪說。  
易像以主。無庸推崇。又查明洪武五年。建忠臣  
廟於南昌。祀趙德勝而下十四人。此與本年建  
忠臣廟於鄱陽湖之康郎山。祀丁普卿而下三



十五人。事同一例。同時如直諫太平廣州等處。皆有忠臣廟。未便取此遺彼。今仍設主舊廟。以慰忠魂。謹按歷代忠節之表。者。於晉得一人焉。曰彭澤令陶淵明潛。於唐得三人焉。曰狄懷英。仁傑。張子壽。九齡。顏清臣。真卿。三公皆曾出牧西江。於宋得十人焉。曰李伯紀。綱。張瑄。仲叔夜。楊希稷。邦乂。胡澹菴。銓。洪光弼。浩。歐陽全美。珣。岳鵬舉。飛。文文山。天祥。謝疊山。枋得。江古心。萬里。均應崇祀。俎豆有光。於明得二十九人焉。遼國諸臣。產於江右者。如黃子澄。洪。練子寧。安。

胡松友聞。周是修德。顏伯璿。璩。王子職。省。王欽  
止良。以及曾鳳詔。鄒瑾。魏冕諸公。皆三年碧血。  
一氣長虹。撫讀殘編。猶興歎悼。至如李時勉。慙。  
抗直敢言。為名祭酒。劉求樂球。直氣忤奸。葬無  
遺骸。于廷益諫。再造社稷。竟罹冤誣。孫德成。壁。  
許汝登達。胡永清世寧。王伯安。守仁。伍時泰。文。  
定。唐虞佐龍。值寧濠之變。忠功大節。歷久愈光。  
當與同時。敏憲。黃德裕宏。馬懋聞。思聰。朱義卿。  
以方熊說之決。並堪不朽者也。又韓永熙。雅林。  
待用俊。曾開府。於是蔡雲怡。懋德。視學於是。功。

名忠節。故垂青史。李懋明。邢華。以中樞殉難。授  
纁。吳和受。甘來。以諫垣遭焚不屈。本朝賜諡。  
大節炳然。自靖節而下。歷唐宋元明。合之共四  
十三人。職等於忠節。詞不敢不慎。重確證者。此  
也。其他若梅福。徐穉。蘇雲卿之高隱。業有專詞。  
李夢陽之氣節文章。已祀白鹿洞。理學如張吉。  
王材。羅北。何喬新。忠節如鍾同。萬燦。王錫。郭祚。  
或著述可傳。或死節足錄。應俱崇祀。御賢無庸  
增入。蓋一祠不能容多主。蚤在憲臺中矣。院批。  
如詳置主崇祀。

石上室一格寫

頒發續白鹿洞學規

附微文節畧照得風俗之淳漓視乎人心士習

之邪正本諸學術故志必於道而教則有方本  
都院搜覽先儒語錄文集見胡文敬公續白鹿  
洞學規簡易切當深有裨於人心學術各屬諸  
生居文教公之鄉世之相去未遠豈無私淑之  
懷合亟抄發學規用作砥礪仰學道轉行所屬  
刊榜學宮並白鹿洞書院俾諸生成知作聖之  
本入道之功朝夕講究務期義理精明操行純  
固遵文敬以紹紫陽即是宗濂洛以邇鄒魯希

傳二室一格寫

聖達天。無俟他求矣。

兄月題報寧州新建等二十八州縣袁州等四  
衛所秋被旱灾免銀十八萬九千三百餘兩奉  
旨被災九分十分者次年錢糧緩徵奉疏言緩  
徵無例可循請寬至六月開徵 詔可

十九年庚午

年五十七歲 兄月男致入邑庠孫吉金入郡  
庠 疏請支給漕糧腳耗

附疏畧 看得江西省自康熙二十三年起至二

十六年止漕糧奏銷案內支給腳耗米石部駁

各省無此扒夫等項名色。概令行違。今據懷道  
暨各府會詳到臣。查得江省有漕。各屬距省數  
百里。或千里。不等。內止數縣濱江。其餘盡通溪  
河。又多砂石險灘。冬月運漕之時。正當水涸。軍  
船重大。不能徑赴受兌。俱各州縣雇夫運送。用  
過難小艇。載出溪河。遇有淺阻。用夫盤剝。始到  
省倉交兌。單船。是以全書額納漕糧脚耗。為各  
縣雇船募夫等用。所謂因地制宜。至若各省河  
道深闊。軍船徑赴州縣受兌。並不需此盤剝夫  
船。是以無此扒夫等項名色。而為江省所獨有。

上宮一結寫

也。左部臣駁追。蓋因節省起見。臣身在地方。熟悉河道形勢。在募夫船盤運。必不能。且已給之項。為時已久。船戶扒夫。盡已四散。無可追。責成現任之官。力不能賠。將來運漕支給無項。勢必累民。尤臣之所當。滋懼者也。我皇上軫念民瘼。恩蠲正供。教盈千萬。深仁厚澤。亘古所無。臣敢冒昧上請。仰祈 勅部允銷免追。已給之項。將來運解漕糧。可以按款支給。不致累民。

吏部題覆華特糾監司一案降一級調用奉

旨采華着降一級從寬畱任。八月余監臨鄉試。中秋夕得鎖闌即事詩二首。有使者定推冰作鑑。老夫先識劍為龍之句。及榜發解元萬儼豐城人也。人以爲詩識云。十月孫吉金娶婦。夏邑李氏候選州同候生女。十二月再疏請支給漕糧腳耗。口遍除大雨雪鎖印蕭閒。如在空山得詩若干首。名曰嘯雪集。

三十年辛未

余五十八歲。口三月請寬歸旗官員沿途遞送。  
附疏畧臣按現行定例。在外八旗漢軍文武官



據上堂一摺寫

員有因泰革降級緣事辭任裁缺候補丁憂休  
致者。並其家口緊催歸旗。復取經過州縣沿途  
文付印結。戶竊謂遞送取結止應行於泰革有  
罪之員。恐其沿途逗遛。或至違限也。若夫丁憂  
降調裁缺候補等員。俱有官職。並無罪愆。乃與  
泰革之員。一槩沿途取結。查驗家口。兵役押送。  
竟與有罪者無異。似宜變通。且請嗣後免其沿  
途取結。並兵役遞送。止給到京定限咨文。如有  
違限。即將本官處分。歸旗之員。自不敢後期。除

五月於北郭外北蘭寺修復列岫亭秋屏閣建

煙江疊嶂堂余放衙後常偕名流如邵子湘長  
蘅朱悔人載震及兒至輩訪老僧澹雪茶話清  
吟或至竟日其地遂為豫章名勝六月疏請  
南昌等五府豐城等十二縣康熙二十三年至  
二十七年未完錢糧六萬三千四百有奇分年  
帶徵以舒民力

附疏畧江石經甲寅變亂後傷殘已極巨自茲  
任以來日事撫循如大耗私派雜差等弊盡行  
革除無如閭閻凋敝元氣未復兼之水旱海孽  
歲有遺額因而年壓一年積欠愈多如南昌府

屬之豐城。進賢。二縣。吉安府屬之廬陵。永豐。奉  
和。安福。四縣。廣信府屬之上饒。鉛山。永豐。弋陽。  
四縣。南康府屬之安義縣。贛州府屬之寧都縣。  
以上一十二縣。共未完民欠銀六萬三千四百  
有奇。今據布政司使。并據各府縣。造具節年民  
欠清冊。詳請緩徵前來。臣竊惟江右土瘠民貧。  
耕獲而外。別無資生之策。又自寇亂後。田荒丁  
缺。包賠苦累。竭終歲之胼胝。不足供本年之額  
賦。而以數年積欠。並徵一時。重楚之下。究轉哀  
號。誠聖慈所矜憫者也。臣叨膺特簡。職在

接上宮一格寫

書。目。掌。民。因。故。不。上。聞。伏。祈。皇。上。俯。念。  
民。艱。將。康。熙。二。十。三。年。起。至。二。十。七。年。止。未。完。  
民。欠。錢。糧。請。自。康。熙。三。十。年。為。始。每。年。帶。徵。一。  
年。庶。民。因。得。以。少。蘇。而。國。賦。不。致。終。懸。臣。非。  
不。知。國。用。殷。繁。錢。糧。豈。容。延。緩。但。與。其。節。年。  
並。徵。民。苦。分。應。而。難。完。何。如。通。年。分。徵。民。得。專。  
力。而。易。辦。是。帶。徵。之。請。似。遲。而。實。速。似。絀。而。反。  
盈。起。此。溝。壑。之。瘠。永。為。輸。將。之。永。則。數。百。萬。難。  
後。遺。黎。咸。沐。皇。仁。於。不。朽。此。

閏七月接閱印抄初一日大學士等在暢春苑

啟奏畢。

上云。江西巡撫宋犖不要錢。你大臣們可曾知道。  
回奏。臣等都知道。臣犖遙聞。天語感激泣下。  
愧不能報稱萬一。南昌府文廟。磁祭器甚佳。  
余照式造若干件。齎置歸德府文廟。八月。杖  
斃廣昌巨惡劉汝桂。先是甲寅之變。汝桂叛附  
吳逆。招納亡命。竊據建昌撫州二郡。斬刈淫掠。  
靡惡不爲。吳逆平。勢窮歸順。家故饒於貨藉。以  
結交勢要。橫行如故。是年。秉牧監吳讓等作亂。  
汝桂復謀嘯聚。闔郡公憤。列款赴控。余念兇渠。

耳目廣寬之則來。急之則免脫耳。乃檢訟牒之情罪重大者數十紙。悉屏去。曰。赦前事。安得相告。止准田房一詞。檄汝桂即訊。汝桂欣然携二萬金入省。余出不意。縛送獄。尋付法司杖殺。輿情大快。汝桂至戚某為院吏。當汝桂被訟時。密致書某求救。某荅之。有上人清正。無法可施。語後。余聞之。諸生羅榮云。三疏請支給漕糧腳耗。

附疏畧。漕糧腳耗一項。臣經兩次具題。部議未允。查腳耗銀米。自有漕以來。即設此項。刊載全

書。歷來脫例支給。並非額外開銷。況當日雇夫  
雇船。不過一時濟用。自不問其姓名。亦不登記  
冊籍。無論脚夫舟人。萍踪莫定。存亡莫考。即或  
見有其人。乃係赤貧食力之輩。盡力終朝。僅得  
升合。若將已役之工價。責令償還。敲朴徒施。萬  
難完補。耳如經手州縣。陞遷降革。屢易其人。今  
責成於見任各官。追無可追。賠不能賠。四十八  
州縣之官。徒受叅罰。終無實濟。伏念我皇上  
軫恤兆民。蠲租賜賑。動以千百萬計。浩蕩洪恩。  
遠洽宇內。似此零星已給之脚耗。赤貧無着之

接上宜一格寫

孤

夫船若不亟請於官民累無底止。臣謹據詳

三疏上請伏祈 睿鑒施行。

仍存

口月刻徐世溥榆溪詩鈔成。命世溥字巨源南州名士。順治間死於盜。陳允衡伯璣常刻其文曰榆溪集。行世詩厓有存者。余購得遺詩二卷。乃鏤版傳之。又訪其遺孫於別邑。為之娶而卹其家焉。口十二月有閩地積賊。每駕古城船往來江楚。攬載客貨。狹商利其價賤。誤入船中。輒用繩勒死。棄屍遠遁。余密緝李生林等十八人。研訊得實。首惡五人。竟謀殞至數十命矣。

船



船

明  
二  
六  
〇

余重杖之。枷示通衢尋斃。餘重杖。押回原籍。檄令船戶俱用土著姓名。可按籍稽查。行旅便之。三十一年壬申。

余五十九歲。三月重修贛州府濂溪書院。有。四月。男致娶婦祥符劉氏。安平知縣士冠女。口議修澹臺墓。

〔附徵文節畧〕案照先賢澹臺子。南遊江楚。終老豫章。止隴現存。已歷二千餘載。墓傍友教堂。為宋淳熙中所建。明正德萬曆間。重加修葺。歲月既深。漸至頽廢。昔柳下之塋。曾禁樵蘇於百步。

據上堂一稿寫

信陵之塚亦置典守者五家。刻磨臺子。以孔門  
高弟。倡道西江。而使松楸凋殘。祠宇傾圯。每當  
拜瞻。彌深慨嘆。仰布政司會同提學道。將墓道  
祠宇。作何修葺。酌量估計。擇日興工。表彰前哲。  
在該司自有同心。

四疏請支給漕糧腳耗

冊疏畧看得江省漕糧腳耗。其難追情由。臣已  
三疏入告。今部覆以全書內。雖有支給耗費  
銀米字樣。並無支給腳銀腳米字樣。故復駁追。  
臣查耗費銀米者。全書該載之總名。腳銀腳米

者。各縣支銷之細數。總屬一條。並非兩項。況各縣分編漕糧項下。編有腳耗米數。附載項下。編有運費船腳銀數。則是全書內。原有腳銀腳米字樣。其非重支明甚。且如康熙二十三年。至二十六年。承追之官。數百餘員。俱經部議降俸矣。二十七年。支給之官。三十餘員。又經部議降調矣。是凡有漕州縣。無不處分之員。其萬難追取。業可槩見。更慮將來運漕無資。既不准動額編之項。又無神輸鬼運之方。勢必責成糧里。自運赴省。則將來累民。勢所難免。臣謹據詳再疏上。

刪二字  
特上堂一抄寫

陳

六月重建九江府濂溪書院有旨口早七月接  
部文奉

特旨宋肇調補江寧巡撫臣肇奏謝請口陛見

議修鵞湖書院

附錄文節畧按查廣信府鉛山縣有鵞湖書院

為宋大儒朱文公呂成公陸文達文安會講之  
地遺像在焉四先生靈爽實式憑之春秋修祀  
載在令甲明景泰中撫軍韓襄毅公肇建祠宇  
正德中提學副使李崆峒拓地再建迨我朝

樓上堂一格寫

順治甲午。經前院蔡重修以來。幾四十年。值甲寅。兵燹之餘。盡皆頽毀。本都院撫江四載。已於省城。創建理學忠節二祠。凡遠近書院。將圖次第修舉。茲膺新命。調撫江左。獨於此舉。尚未及行。良用疚懷。為此仰布政司會同提學道。遴委賢員。親詣相度。應作何修葺。酌動無礙官銀。給發委官董理。逐一修整。竣工之日。仍繪圖具報。光先賢之俎豆。繼韓李之芳型。於該司道有厚望焉。

七月六日。發南昌萬姓遮畱雨泣輿輻不行。余

亦哽咽不能出一語。惟舉手相謝而已。自滕王  
閣至吳城南康數百里。山僻童叟無不擁道挈  
盃。殷勤奉卮酒。道感激每至泣下。余感且愧。

停舟謁白鹿洞。瞻御書與諸生廳。陳講義。留

金置學田。出過三峽橋。觀玉淵潭。憩棲賢。留玉  
帶。又過萬杉關。先至漱玉亭。觀瀑布。回舟得古  
詩六章。行次彭澤。見二老翁。一操小舟。一率  
三子。衿來追送。余問故操舟者。曰。此舟每歲徵  
雜費四五金。今四年不徵。故來謝。一曰。三子者  
一兒。一婿。一門生。裹不能上進。今學使奉公法。

謀義而行寫注  
在講堂下

校士公明皆得入泮故來謝余為慨然

附講義筆記畧鹿洞始自李賓客讀書迨朱夫子增修廟宇闢置館舍創立學規稱古國學達聖天子崇儒重道親灑宸章頒賜扁額書籍凡肄業此地者皆當厚自期許希聖希賢不僅為章句訓詁之學而已今人動謂聖賢難學不知道二仁與不仁不為聖賢便為庸愚更無中立之理况帖括一道實代聖賢而立言原非剽竊廉販可以做得諸生須將逐日講貫四書道理一一體貼到身心日用上達即是聖賢實

格上宜一格寫

學更不必另開門戶。總之凡人立志高。則所造遠。如千古文稱左馬。詩稱李杜。以此教人。較之聖賢相去何如。八股業稱王唐瞿薛。江右稱章羅陳艾。以此教人。較之左馬李杜。相去又何如。看來人在天地間。必須希聖希賢。纔是第一等人。聖賢之文章。在六經論孟。聖賢之功名。在覺世傳後。積中形外。體立用行。且一以貫之耳。鹿洞副講徐京楷刻石真壁間。

二十四日接閱邱抄奉

旨宋肇不必來京陛見。至繁昌接關防。王命旗



寐

牌尺月四日抵蘇州公署。江左地大事繁財賦甲天下兼以習尚紛華好新競巧撫綏之難十倍豫章余一切持大體省事寧民既無與援亦無瞻顧惟恃

聖明在上循分守拙不敢易四十年冰蘗初心蓋余兢亡矢之夢寐者也視事後首嚴飭官方禁革火耗私派至各郡漕糧尤稱獎茲雖官收官兌遵行已久而收書作姦於額編五米十銀外每石勒扣耗米三五升或七八升勒收費銀三五分不等其他蠹弊繁如蝟毛余嚴加釐剔

無名之羨。入以身先之。然後革耗費。較斗斛祛  
蠹役宿弊。一清。又蘇松常三府白糧舊例。另棧  
徵收。最為病民。余檄令隨漕併收。仍勒石永著  
為例。青浦縣持往年私刊議單妄申。余嚴駁聽  
參。各屬知法在必行。皆畫一遵守。每歲徵米二  
百五十三萬餘石。約省耗費銀數萬兩。米稱是  
口。吳中故有打降與訟師。厲民尤甚。以及畧賣  
之奸徒。侵商之牙儈。俱經查拿懲治。至於相沿陋  
習。如婚喪踰制。暴棺火葬。婦女燒香之類。亦示  
禁焉。九月疏請。豁邳州無征商稅。又疏陳運

冊  
三  
五

船飯米折價太昂請酌變通之法。早月請銷  
截留京口兵米耗費。

邳州商稅疏畧臣查邳州商稅雖全書編載

原籍商賈往來貿易始有投納前因該州疊罹  
災患人戶逃亡商賈流散以致缺額經前撫臣  
馬祐具題自康熙十三年為始照揚州例儘收  
儘解部覆准其豁免奉俞旨欽遵在案後又  
歷奉部駁照額徵解幸於康熙二十八年間  
聖駕南巡欽奉上諭江南積年民欠一應錢  
糧票與蠲除該州二十六年以前稅銀始得同

遼 恩豁。仍有康熙二十七八等年。缺額稅銀  
一千七百五十兩零。實係無徵之虛數。況該州  
沉地逃丁錢糧。亦係全書編載之項。已蒙 皇  
仁。特頒 上諭。永為除豁。而此無戶無人可問  
之商稅。何能按額取盈。所當仰請 睿慈。准賜  
豁除。庶流亡漸集。於 國計民生。均有裨賴矣。  
又運船飯米疏畧。看得蘇松常三府屬。白糧項  
下。裁省運船水手飯米。前據臣鄭端。以折價贖  
殊。請將接年收貯米石。解給京口兵糧。於留漕  
米內。扣除帶運。部覆仍令折銀起解。今據督糧

道詳稱。前項所徵米石。原供水手飯食。乃係糙米。實與白糧不同。先奉改折白糧之時。部定價值。每石一兩五錢。刊入由單。派徵。今徵本色。所收糙米。時價每石七八錢不等。官為折解。易米一石。止可解四五斗之折價。督催雖嚴。賠補無術。臣查此案米石。必如部定之數。州縣小吏。萬難賠補。請照本色時價。或照兵糧價值折解。下吏獲免賠補之累。奉

7 奉題明。截留兵米疏畧。看得京口駐防官兵。歲需米石。從前原係截留江西省。並蘇松等屬漕

糧運解京口收貯倉廩按月支放。循照通倉事例。每石扣除折耗米八升八合。支給鋪墊人夫工食銀五分。按年准銷。自康熙二十五年間。經前任總漕臣徐旭齡題請改留鎮江府屬漕米就地放給。可省耗費。准有部覆在案。今據司詳前來。臣查京口矣米。從前因有貯倉霉爛盤量等項耗費。循照通倉折耗。并鋪墊人夫工食之例。按年准銷。今雖改留鎮屬各縣漕米運貯倉廩。經年堆積。按月給散。原與外省各府協解無異。折耗之數。自不能免。至於解送水腳以及修

接上堂一格寫

倉鋪墊。扒攪人夫工食等銀。所當量其程途遠近。酌減支給。俾耗費銀米。得以循例銷算。而正項錢糧。不致那空虧缺。俟

口飭行錢糧截票之法。以花戶額銀。劃為十分。每月應完一分。完則截票歸農。百姓稱便。口十一月。題蠲沐陽鹽城興化三縣被水災田銀一萬四千九百餘兩。動積穀四萬一千八百餘石。賑過饑民十萬三千四百五十五名。口十二月。展謁太伯子游諸賢祠。口淮揚徐三屬開河築堤建閘栽柳。所占民田。歷年包賦。又中河告成。兩

河已歸故道從前渰沒之區淤成膏壤恐有豪  
強侵隱余奉<sub>口</sub>命會同吏部尚書熊公賜履總  
督傅公臘塔逐一查勘豁除地三千六百九十  
頃免銀六千六百二十八兩米麥豆三千一百  
餘石陞科地畝銀米各三分之一

三十一年癸酉

余六十歲<sub>口</sub>正月自淮揚返署探梅元墓同吳  
志上允嘉心壁道人超淵男至賦詩六首和  
者李武曾良年吳孟舉之振邵子湘長蘅王  
令貽原<sub>口</sub>二月蘇州織造李公煦赴任臣聲迎



請

聖安蒙傳

旨說你做官着實好臣率跪聆

天語驚喜過望感極涕零隨北面叩頭恭疏奏謝  
竊念臣一介孤踪荷

聖主非常知遇報稱莫副頂踵寧辭語云行百里  
者半九十臣不敢不勉口是月為亡友汪編修  
琬作堯峯文鈔序又為計孝廉東作改亭遺集  
序口四月觀風各郡邑錄士若干人刻試卷若  
干首又刻詩古文各一卷題曰吳風

年雋於鄉者六人其領解盛君度即余所拔士也又得副車二人。五月疏請停徵淮揚涸

田

附疏畧看得淮揚二府屬鹽城高郵興化泰州

寶應等州縣地處低窪自康熙七年洪水為災

田成澤國荷蒙皇仁將濟田錢糧蠲停仍於

每年冬勘明有無涸出具題至康熙二十八年

又於欽奉 上諭事案內委勘鹽高興泰寶五

州縣共仍濟田四萬六千五百二十三頃一十

二畝零至康熙二十九年因天道亢旱兼之下

河疏通。循例冬勘。田地全涸。但係積淤年久。盡成荒廢。萬難一槩徵輸。經前撫臣鄭端。具疏題明。可以耕墾田。二萬二千九十一頃八十畝零。遵照定例起徵外。其無主版荒田。二萬四千四百三十一頃三十二畝零。應徵地丁本折錢糧。復經題請蠲停。部覆仍令於三十年起徵在案。臣自履任以來。節據各州縣紛。籲請。又據司道詳稱。田自康熙七年報濬。至康熙二十九年冬勘全涸。已二十餘載。積荒地畝。茭葦盤錯。逃亡戶口。無可復問。實無續墾。以熟欺埋情弊。再

接上堂一牒寫

細察民情。蓋緣墾荒有限年起科之例。而此田  
先有節年積賦待完。所以人皆視為畏途。招墾  
不前。田無人墾。賦將安出。戶身在地方。仰體  
皇上視民如傷至意。不得不據情陳請。伏懇  
聖慈。將此五州縣荒廢酒田。起徵本折錢糧。暫  
予停徵。俯容臣等多方招徠。復業開墾。則遠近  
之民。聞風樂趨。國賦亦不致久懸。矣。

七月再疏請酌議運船飯米。九月請移蠲漕  
米三分之一。

附疏畧。臣屬江蘇松等屬地方。今歲雨澤愆期。

艱於揮蒔。先據六合等九州縣。以旱災見告。而  
淮揚徐所屬海州等十一州縣。又因河湖暴漲。  
秋雨連綿。以致田禾被淹。經臣節次會疏題報。  
在案。今據司道會詳內稱。起運漕糧。向無蠲免  
之例。惟康熙三十年十二月初四日。特奉 恩  
綸。將湖廣。江西。浙江。江蘇。安徽。山東。應輸漕米。  
着自康熙三十一年始。以次各蠲免一年。等因。  
欽遵在案。計江蘇所屬漕糧。應在三十四年奉  
蠲。今請於 聖恩特蠲前項漕米之中。酌一通  
融之策。將今歲所報水旱災傷之處。應蠲三十

樓上望一林寫

四年漕糧。應否於今歲先免三分之一。其三分之二。仍俟三十四年蠲免。思我皇上無時不以愛養斯民為念。江蘇百姓。屢霽聖澤。業已淪肌浹髓。倘此報災各屬。更蒙預賜酌免。則民力得舒。感頌我皇上浩蕩洪恩。愈無紀極。又查從前水旱之年。漕糧原有紅白兼收之例。茲據該司道請將上元吳江等十二縣。與六合太倉等州縣漕米。照例紅白兼收。合併題明。

口  
早月禁祀劉猛將。毀上方山五通神母像。口計  
兩月來。題蠲六合海州山陽清河桃源沭陽安

東高郵泰州寶應興化徐州市縣蕭縣碭山十  
五州縣被水災田銀四萬六千八百餘兩米六  
千七百三十餘石動積穀九萬四千二百三十  
餘石賑過六合等五州縣饑民二十三萬三千  
五百三十八名。口十二月余率起學諸姪捐公  
宅建宋氏先賢祠祀莊敏福山文康三公。竝建  
祖祠率男基設祭田若干畝有邵子湘長蘅祠  
碑及余祭田記。口請蠲六合縣併衛銀米。

丁卯疏畧

臣看得六合縣竝衛項下所輸銀米多

撥漕項支用非同漕米款目故兩達曠典未

能一例蠲除。遂致歷年壓欠。積逋愈多。值此被  
災之後。窮丁賴展延生。力難兼顧。茲據該司道  
復請。緩於三十三年為始。將年帶徵。倘蒙 皇  
恩俞允。則軍力既紓。舊欠得以陸續清楚。是雖  
暫緩於目前。而實收效於日後。但鴻恩出自  
聖裁。非臣等所敢擅請。

三十三年甲戌

余六十一歲。正月捐俸修無錫東林書院。

二月男基除授保定府同知。三月修復唐六  
如解元墓。建亭其旁。題曰才子亭。予為文祭之。



北行寫法  
在者甚衆

下

諸名人題咏甚多。墓在桃花塢口。閏五月使院  
深淨軒落成。邵子湘長蘅有記。余有古詩二章。  
即用深淨韻。和者甚衆。

附記 畧使院來鶴樓左。有池。規可廿弓。相傳明  
萬曆間。巡撫某公鑿池。上故有軒。吳郡志稱鑿  
池栽竹。極幽邃之勝。是也。軒之廢。不知何時。池  
西老屋三楹。廢為庖厨。巨石頽斷。或卧或踞。窪  
然者塗污而已。前血宋公來撫之二年。改簡俗  
誠。理甚無事。暇日行池上。延佇久之。曰。是中大  
佳。如委之草莽何。於是矚之。而神漢出。蔭之而

芙蕖華已乃徙寔遠庖。因舊屋而新之。既成。與  
賓從觴詠於是。兒欄四顧。則芙蕖之搖蕩。翠葉  
之蔥蘢。怪石之嶸嶸。與夫嘉花藥卉。疎栢高柳  
之掩映。若前日未有是池。而一旦開闢。厥鑿而  
出。而萃勝於軒之中也。公樂之。名其軒曰深淨。  
命長蘅為之記。客曰。公之名軒。蓋取少陵竹深  
荷淨句也。予曰。固然。二可以觀政焉。蓋公言治  
道貴清淨。魯參師之。而齊國大治。其入為漢相。  
大指如奉教於蓋公者。故其時歌之曰。贊其清  
淨。民以寧壹。深淨。蓋曰。清淨。莊子曰。息之深。

接上堂一格寫

息深則神清。淵深則波靜。故深清皆從水。理相  
因也。然則公之撫吳。其即參之治齊乎。後此純  
公而來者。凭茲軒。而思所以命名之意。則吳民  
有厚幸焉。

口六月以三十一年白糧過淮違限。部議罰俸三  
個月奉。

口昔宋萃從寬免罰俸。口余選三家文鈔刻成爲  
之序。許時菴汝霖。邵子湘。長蘅各有序。三家者  
侯朝宗。方域。魏叔子。禧。汪鈍翁。琬也。口只月以  
三十一年蘆課未完。部議罰俸三個月奉。

旨。宋肇從寬免罰俸。韋菴落成。在深淨軒之  
北面池。仍存。

附記韋菴在撫署來鶴樓東池上。高余讀書  
之所。竊有慕於韋公應物。而名之者也。蓋余使  
仰生平。偶幸與公似者有三。公有燕李錄事詩  
云。與君十五侍皇闈。達楊開府詩云。驪山風雪  
夜。長楊羽獵時。余起家同。公以比部郎。出刺潯  
歷江州蘇州。余亦由曹郎。歷行省開府。宦轍累  
同。昔人稱公。鮮食寒欲。所居焚香掃地而坐。又  
稱。居官自規。悶。有却入之心。則余之澹泊迂

接上宮一松寫

拙亦復相同。獨余所爲詩。無能闢公之藩。良用  
抱塊。抑嘗誦公詩曰。無術謬稱簡。素餐空自嘆。  
又曰。逍遙池館華。益塊專城龍。嗟嗟余之任。視  
公逾重矣。然則抱塊者。獨詩乎。

九月孫岐金入郡庠。長洲高士徐枋卒。枋字  
昭發。前撫湯公斌高其名。常訪之山中。枋避去  
不見。湯公嘆曰。徐先生。倘所稱名可得而聞。身  
不可得而見者耶。太息而返。及是卒。余爲之經  
紀其喪。男致婦劉氏亡。題蠲高郵江都興  
化寶應四州縣被水災田銀一萬八千五百四

十餘兩。動積穀七萬四百五十餘石。賑過饑民十七萬七千八百三十七名。日釐正東林祀典。

公移節畧案據無錫縣呈報。東林書院現在

配祀木主銜諱等情。到院。為照入祀諸儒。共計七十餘位。中間豈無冒濫。除原配位羅仲素從彥。胡德輝。程喻。王象樞。尤遂初。袁李。小山。祥。蔣實齋。重珍。及邵二泉。寶七位外。又天啟間所定。顧涇陽。憲成。顧涇凡。允成。錢啟新一本。薛元臺。數教。安我。素希。范。劉本儒。元珍。六位。又崇禎間所定。高景。逸。攀龍。葉間。適茂才。陳筠。塘。幼學。吳

素衣桂森。許靜餘世卿。鄒經會期。橫六位。從祀  
已久。俱無庸輕議外。其餘自應一一確核。行常  
州府查議去後。案據該府呈詳到院。為照東林  
一席。為龜山先生講學地。從祀諸賢。皆其薪傳  
嫡派。必淵源之有自。斯俎豆之無愆。當日顧高  
兩先生所定。慎重之意。猶可想見。不意邇來波  
流日頽。冒濫漸廣。毋論私講擅增者。固多阿徇。  
即經前次更正者。亦非定評。甚至以道南之辨  
香。為交遊之情面。裨販先賢。徇私阿好。仰羞往  
結。俯忝家聲。噫。風斯下矣。本都院自塊中州樓

學辭章小技。於斯道未常涉其藩籬。是以不敢  
遽爲軒輊。據該席詳稱。應做文廟位次。對西等  
級。分別於堂廡之間。祇慎重於將來。毋更張於  
已往。所見甚正。持論亦恕。今擬於前十九位外。  
增進馬世奇素修先生一人。計共二十位。做十  
哲例。配享堂上。蓋以馬素修先生。既世籍於梁  
谿。又非面於高顯。迨乎從容死節。庶幾日月爭  
光。兼是三者。諸賢莫竝。躋之配位。允懼公評。其  
虞薇山先生以下五十四位。做先儒例。依時代  
次序。分列東西兩廡。至於左周諸公。大節已炳。



樓上室一樓寫

日墨原不藉東林重。餘子僅稱鄉黨善士者。又不足重東林。既未設有牌位。不必更添蛇足。自後毋得輕進一人。以干清議。隨據無錫縣知縣徐永言。於是年十一月。遵檄更定位次。勒石講堂。竝揭墨刻呈驗。附

十月孫吉金除授臨潁縣學教諭。余自官通永以來。即不以家隨。至是始接葉夫人來吳。奉命同總督范公承勲。浙閩總督朱公弘祚會勘太湖入海水道。酌議疏濬。

十四年乙亥

余六十二歲。八月男基卒於官。十月男致繼娶仁和王氏。滄州知州羽女。十一月男筠入郡庠。孫韋金。入邑庠。計四月來題蠲長洲吳江常熟崑山青浦五縣及蘇州衛被水災田銀六萬九千六百餘兩。米豆七千七百九十餘石。動積穀十三萬三百餘石。賑過饑民三十萬七千一百八十一名。奉 上諭造解綿甲江蘇各屬應造一千六百副。用工料銀一萬三千七百八十餘兩。續造五百副。用工料銀四千五百五十餘兩。俱先動帑造解。將次年俸工銀均

扣還項絲毫不敢私派。口准部咨揀選江南庫  
貯子母砲二百位。解部應用。余同總督范公率  
各官捐俸解送。

三十五年丙子

余六十三歲。口正月准部咨運米需馬將江北  
驛馬十分調三。計二百二十一匹。余同總督范  
公率各官捐給草料解費。絲毫不敢私派。口二  
月修宋學士蘇子美滄浪亭。余有記刻石。竝刻  
有小志。文賦滄浪亭長篇。用歐陽永叔韻。屬和  
凡數卷。

2 附記畧余來撫吳且四年。新與吏民相恬以無  
事。而吏民亦安余之簡拙。事以寢少。故雖處劇  
而不煩。暇日披圖彙。得宋蘇子美滄浪亭遺址  
於郡學東偏。距使院僅一里而近。間過之。則野  
水滄洄。巨石頽仆。小山藪翳於荒煙蔓草間。人  
迹罕至。予於是亟謀修復。構亭於山之巔。得文  
衡山隸書滄浪亭三字。揭諸楣。復舊觀也。亭虛  
敞而臨高。城外西南諸峯。蒼翠吐飲。檐際亭旁  
老樹數株。雖立孳擢。似是百年以前物。循北麓  
稍折而東。構小軒曰自勝。取子美記中語也。連

西十餘步得平地。爲屋三楹。前亘土岡。後環清  
溪。顏曰觀魚處。因子美詩而名也。跨溪橫畧約  
以通游展。溪外萊畦民居相錯如繡。亭南從廊  
門出。有堂翼然。祠子美木主其中。而榜其門曰  
蘇公祠。則仍舊屋而新之。予暇輒往遊。杖屨獨  
來。望老接席。鷗鳥不驚。胸次浩々焉。落々焉。若  
遊於方之外者。或者疑遊覽足以廢政。愚不謂  
然。夫人日處塵塗。困於簿書之叢。經神煩慮滯。  
事物雜投於吾前。憧然莫辨。去而休乎清冷之  
域。寥廓之表。則耳目若益而曠。志氣若益而清。

明○然○後○事○至○而○能○應○物○觸○而○不○亂○常○誦○王○陽○明○  
先○生○詩○曰○中○丞○不○解○了○公○事○到○處○看○山○復○尋○寺○  
先○生○豈○不○了○公○事○者○其○看○山○尋○寺○所○以○追○其○神○  
明○使○不○疲○於○屢○照○故○能○決○大○疑○定○大○事○而○從○容○  
暇○豫○如○無○事○然○以○余○之○驚○拙○何○敢○望○先○生○百○一○  
而○愚○竊○有○慕○乎○此○然○則○斯○亭○也○僅○以○供○遊○覽○興○  
亭○廢○且○百○年○一○旦○復○之○主○守○有○僧○飯○僧○有○田○自○  
是○度○可○數○十○年○不○廢○嗟○摩○當○官○傳○舍○耳○余○有○時○  
而○去○而○斯○亭○亡○惹○後○之○來○者○登○斯○亭○豈○無○有○與○  
余○同○其○樂○而○謀○所○以○永○之○者○歟○

梅上堂一稿

口五月爲王侍郎阮亭刻蠶尾集成余有序。口六月男基婦狄氏亡。口七月題蠲崇明縣被水災田銀三千三百餘兩余同總督范公捐銀二千兩收瘞被溺遺骸修葺村舍動積穀四萬三千八百餘石賑過饑民八萬九千五百八名。口八月男至中順天副榜。口淮揚徐三屬二十三州縣衛所蠲雨連綿河湖泛漲被災之慘爲數十年僅見余時監臨鄉試移咨總督范公代題事竣親往撫恤先後請賑六箇月動江寧倉米鳳陽倉麥下江積穀九十三萬一千六百餘石賑

過饑民二百十七萬八千五百八十名請破例  
將地丁漕糧漕項槩行豁免部議照例十分免  
三余與范公總漕桑公再疏題懇奉 特旨一  
槩蠲免計銀五十五萬八千兩米麥豆二十五  
萬四石

淮揚賑濟疏畧 竊照淮揚徐三屬各州縣今  
歲霍雨連綿山水陡發河湖泛漲以致秋禾被  
淹統計報災者共有二十州縣并淮大徐三衛  
地方連瀾查康熙二十四年及二十八年淮揚  
徐等處亦被水災皆係一面具題請賑一面即



行放給俱蒙 聖恩俞允。茲臣文聞事竣所當  
親往查賑撫綏務使災黎各霑實惠以副我  
皇上愛養斯民至意

○奏請蠲免 淮揚徐三屬被水情形已經題明

在案。今據江蘇布政使。都司。勘過山陽。清河。高  
郵。泰州。江都。興化。寶應。七州縣。被淮安大河二  
衛。共被水災十分田地。七萬二千六百四十頃  
六十七畝五分零。應徵地丁漕項漕糧等銀。一  
十七萬二千四百二十七兩八錢零。漕糧。漕項。  
地丁。米麥豆。一十一萬一千五百六十三石六

升粟。臣查田畝被災。例應勘明輕重分數。分別蠲免。惟是今歲淮揚等各屬。田地見沉水底。災民盡棲堤岸。被災過重。迥與往昔不同。所有本年地丁。漕糧。漕項。實難措處。應否破例蠲免。

隆恩曠典。非臣等所敢擅請。惟賴我皇上如天之德。有以拯救而安全之。俾百萬生靈。咸登衽席。感戴皇上深仁厚澤。永無既矣。其餘海州。桃源。宿遷。賴榆。鹽城。印州。睢寧。安東。徐州。蕭縣。碭山。沛縣。徐州。衛。沐陽。十四處。陸續四疏題請。不具。

接上堂一牒寫

早月回署疏請復開捐米賑濟事例以恤灾黎

○附回署疏○竊照淮揚徐三屬今歲水灾飢民

乏食先據各屬接踵詳報臣於文關事竣之後

即自江寧起行親臨督賑先經具疏題報在案

途次接准督臣咨會省城例米荷蒙 聖仁允

准動賑臣隨帶領賢能道府等官輕舟減從分

赴被災州縣各鄉村鎮處所將真正乏食灾民

查勘明確文告之外復又面加談諭先就本地

見存并鄰邑鮮到撥協穀麥即行放賑使灾黎

早霑實惠其有不敷即將省城陸續運到例米

找給統計先後支放共發三個月賑糧臣由揚  
州至淮安渡黃河往來督勘宣布聖恩災民  
扶老携幼歡呼載道惟是低窪之區仍然一派  
汪洋男婦尚棲堤岸今次所發賑糧僅足目前  
之食轉瞬來春即使水勢日漸消涸而耕鑿之  
衆尤須調濟安全俾得盡力東作以望西成見  
在咨商督漕二臣另疏具題臣於十月十三日  
回蘇州公署理合題報

取請復捐米事例疏畧臣查常平倉事例原屬  
救荒善政向蒙皇上念切民依准予捐納積

粟預備。江蘇各屬。先因應貯之數已足。是以俾止。改捐銀兩。今以淮揚徐。異常水患。被災子遺。目下雖有賑糧可食。轉瞬來春。餬口無資。難施耕鑿。勢須接賑。俾得盡力畝畝。但本處儲蓄。已動用無存。鄰邑積貯。又撙協殆盡。所當仰懇皇恩。毋論外省外郡人員。仍照前例。捐納米穀。并請先動京口留漕。及鳳倉麥石。酌捐水腳。運送支給。使災黎早蒙實惠。至各屬應貯數數。照依州縣大小。捐足之後。即行停止。不特淮揚徐一帶。百萬生靈。重霽聖澤。即地方儲備。亦有攸

接上卷一核寫

類

口題蠲上元句容六合三縣被水災田銀二千八百餘兩米豆二千四百餘石動積穀四萬五千五百五十石賑過饑民九萬二十八名。口十一月題旌貞女烈婦節婦十七口。口奉奉口命同總督范公承勳總漕桑公格總河董公安國安徽巡撫陳公汝器查勘河工。自揚州淮安歷高家堰雲梯關海口還經清河宿遷至徐州層冰飛雪中馳數千里逐一確勘會題聽河臣估計興修。口十二月重修蘇州府學。口碑記。口孫韋金

刪  
四  
六  
五

娶葉夫人姪孫女。候選通判增英方。余歲杪南還。以臘之廿九日渡江。除夕官舟野泊於毘陵之奔牛間。按江左吏牘之繁。浩如煙海。從前題奏每歲千餘。余蒞任次年尚七百餘。檢今歲止三百。蓋事省於前多矣。老友邵子湘語人曰。自宋公來。覺吳門之氣頓靜。余聞而憫然。

主十六年丁丑

余六十四歲。正月孫岐金亡。二月淮揚徐

三屬海州等二十州縣三十五年缺丁六十五萬四百有奇。應行編審。因去年異常水災。編審

口  
恐致流亡疏請緩於四十年舉行災民稱便  
閏三月再疏請允外省外郡人員概准捐納米  
穀以補賑項

7月疏署准揚徐三屬上年水災飢民乏食臣經  
會題請動常鎮二屬留漕等米接賑仍關捐米  
事例毋論外省外郡人員捐納補還部覆應如  
所題速行動賑捐補惟是外省外郡人員是否  
允其捐納之處部文未經指明故又咨部請示  
今准部覆止令在本郡捐納臣查先後兩賑所  
動各項均係儲備地方緩急之需共惠捐還未



接上堂移寫

麥幾及五十萬石。高數繁多。若止令本郡人員  
捐納。恐難即行補足。況當日部覆臺臣余泰來  
條奏。不許外省外郡捐納。原因彼時各省俱有  
事例。恐人趨米賤之處報捐。今別省捐米之例  
久停。已無趨賤避貴之弊。所當仍請勅部查  
照原題。毋論外省外郡。概准捐納監生。并循直  
隸救荒事例。免其到監。在籍肄業。庶願納之人  
得遂急公之念。不特原動倉項。可以赴期完補。  
即地方儲備。亦有依賴。

口四月葉夫人以疾卒於官衙內寢。凡致賻者槩

不受尋命兒輩扶匭歸里口准揚徐災田溢完

銀米檄藩司江安糧道查議流抵旋據詳入告

附撥署先據該司會詳淮揚等屬上年災田溢

完錢糧一概不准流抵查淮揚徐各屬上年非

常水災民生困苦是以會題請將應徵銀米破

格全蠲因部覆未允又經會疏題請將三十五

年地丁漕項錢糧全蠲其三十四年未完錢糧

暫行停徵欽奉特旨這三十五年一應錢糧

俱著照所題盡行蠲免其三十四年未完錢糧

亦照所題帶徵等因欽遵在案是三十四年停

徵者係就未完之數。其三十五年全蠲者係按額徵而言。兩次原疏甚明。非三十五年亦止請蠲未完也。今該司詳稱奉旨將一應錢糧盡行蠲免。似指災田未完錢糧而言。既屬應度之詞。亦非原題之意。況定例內。凡奉蠲錢糧。有已徵在官。不准流抵次年錢糧者。以違旨侵欺。從重議罪。歷稽往績。凡有蠲完。俱與流抵並無不准之案。若將已完之銀。不准流抵下年錢糧。惟將未完之項扣蠲。則拖欠者既荷殊恩。而急公者不蒙一例。事屬不均。且蠲完流抵。載在

據上堂一稿寫

則のま

欽頒定例。直隸各省。無不遵行。其來已久。今不  
准流抵之議。創自江蘇。始於今日。如部覆允從。  
恐將來竟為成例。殊非體恤災黎之意。萬一內  
部執持已微。在官不准流抵。原有處分嚴例。反  
行駁參。誰任其咎。目下奏期已迫。該司道會同  
安藩司。再加確議。聯銜通詳定奪。

口奏銷三十二年降罰等銀未完部議罰俸一年  
奉

旨宋肇從寬免罰俸 口重修虎丘雲巖禪寺命  
有碑記 口崑山縣田糧混淆賦稅懸欠疏請委

員清太。口七月三疏請外省外郡人員。概准捐納。以補賑項。口淮揚二屬鹽城等六州縣地最低窪。去年積水未消。麥禾未種。額賦難輸。疏請歸入版荒案內。至冬委負查勘。部議鹽城等州縣徵糧熟田。非版荒可比。該撫題請停徵。不合。應革職奉

特旨。朱肇從寬免革職。着降五級。畱任。有加級紀錄。准抵銷。

○附錄。淮揚等屬上年異常水患。荷蒙 皇上如天之仁。破格蠲賑。億萬災黎。無不感頌。聖

思。咸慶更生。臣又申飭有司加意撫綏。俟水涸  
播種。俾國賦民依咸有攸賴。不謂淮安府屬  
之鹽城山陽二縣。揚州府屬之高郵泰州興化  
寶應四州縣。因低窪之區。被災深重。前據各屬  
紛。詳報。咸稱津田積水未涸。難以耕耨。額徵  
正賦無出。請援每年冬勘涸起科之例。額請停  
緩。經臣會疏題報情形。一面飭行嚴會委官分  
往確勘去後。今據江蘇布政使張志棟詳稱。淮  
揚江常二道。勘過各州縣實在積水津田。共四  
萬七千四百四十六頃五十八畝零。實總積水

未退。又加雪雨。閘渠洩水瀝注。禾麥佈種無期。  
錢糧無從措辦。據賑從前徵臣目親之例。請歸  
版荒案內。一例委員冬勘等情。取具冊結。該司  
核造田畝額徵錢糧數冊。一并呈詳前來。臣查  
鹽城山陽高郵泰州興化寶應六州縣。上年水  
災。迥異尋常。宿溝積水至今未退。見在未種之  
淪田。即係從前勘過之舊地。今復被水。淪況小  
民無從播種。錢糧實難措辦。既據該司委員勘  
明。請歸版荒案內一例至冬勘報。相應據詳具  
題。聽部查核。

按上宜一姓寫

八月淮揚徐三屬海州等十九州縣三衛酒出  
田地今歲復被水潦疏請動江寧京口儲米下  
江各屬積穀竝截留鎮揚二府漕米酌捐俸工  
銀兩余親臨督賑先給三個月口糧計穀十七  
萬二千三百石米八萬五千餘石銀二萬兩賑過饑民  
卒五萬二千八百五十九名其十分九分災田地丁漕糧漕  
項又請破例全免被災輕者照例蠲豁奉 特  
旨俞允計銀二十二萬九千六百兩米麥豆十  
二萬一千九百石

附請賑疏畧 淮揚徐三屬上年異常水災蒙我



皇上聖德如天。愛民如子。將額徵錢糧破格蠲  
緩。又勸本地積穀。及借省鳳華倉米麥先後發  
賑。被災子遺。餬口有資。得安耕鑿。惟期雨暘時  
若。歲登大有。早輸國賦。仰報聖恩。乃山陽  
鹽城高郵泰州興化寶應六州縣。先稱積水未  
消。麥禾俱未佈種。而海州邳州清河桃源宿遷  
睢寧沐陽安東贛榆江都徐州豐縣沛縣蕭縣  
陽山十五州縣。并淮安大河徐州三衛。皆稱今  
歲伏秋以來。霖雨為災。加之黃淮諸水交漲。田  
禾淪沒。又山陽鹽城高郵泰州寶應興化六州

縣。涸出已種地畝。亦被水淹。請飭請賑之文。接  
覆見告。經臣節次會疏具題外。今據布政使張  
志棟詳稱。淮揚徐三屬。當上年異常水災之後。  
復被水淹。單民田地。皆成巨浸。男婦依棲堤岸。  
嗷々待哺。亟應賑濟。以免流離。惟是本地積蓄  
上年已動用無存。鄰屬米麥。亦撥協殆盡。所有  
見在捐補省屬等倉米麥。計其所收亦屬無幾。  
請仍行借支。將來陸續捐收。總以補足原動之  
數爲止。又江蘇各屬積穀撥動協濟之外。再捐  
俸工銀二萬兩。銀米兼施。仍有不敷。請將庫銀

三十七年京口應需漕米。預於三十六年錢揚  
二屬漕糧內截留借賑。統於見開常平倉事例  
案內收補。以充京口三十八年兵糧等情。臣查  
淮揚徐今歲被災州縣衛。共有二十四處。地方  
既廣。飢民衆多。該司所議預請留漕。原屬救恤  
灾黎之策。在國計毫無虧損。臣隨咨商督臣  
范承勲亦准咨覆。似屬可行。除現在分委廉能官  
員。前往各屬查勘被災輕重。飢民多寡。恭候  
俞允之日。按數呈夜撥運。臣即親往淮揚一帶  
督賑。俾百萬生靈。重登衽席。感頌皇仁。永

無極陰

附諸瀋海州等州縣風旱。淮揚徐三府州屬。今歲伏秋以來。霖雨連綿。黃淮交漲。以致海州邳州清河桃源宿遷睢寧米陽安東贛榆江都徐州豐縣沛縣蕭縣碭山等十五州縣。并淮安大河徐州三衛民屯田地。俱被淹沒。而山陽鹽城高郵泰州寶應興化等六州縣。除上年積水沉淪田地之外。其餘已遍佈種秋禾地畝。亦被水淹。先據藩閫二司詳報情形。經臣會疏題明。一面飭行江蘇布政司暨江南都使司分委道府

等官履畝確勘。通計邳州清河桃源睢寧沐陽  
徐州蕭縣碭山等八州縣并大河徐州二衛。共  
被水災五六七八分田地一萬六千二百八頃  
四十四畝九分零。除漕項銀米麥豆外。應照例  
蠲免一二分不等。共銀三千七百九十六兩四  
錢二分零。又海州山陽清河桃源宿遷睢寧沐  
陽安東贛榆鹽城高郵泰州江都興化徐州沛  
縣蕭縣碭山等十八州縣并淮安大河徐州三  
衛。共被災九十分民屯田地一十三萬八千五  
百五十三頃四十七畝六分零。共應蠲起存漕

贈等銀。二十二萬五千八百八十六兩九錢一分零。漕糧漕。贈月糧粬米等項米麥豆。一十二萬一千九百二十一石四斗一升零。據該司詳稱。各州縣樹。上年重被水災。幸蒙 皇恩破格全蠲。惟望今歲有秋。乃又被重災。西成絕望。被災軍民。方將藉賑延生。所有九分十分重災田地。若照常例請蠲。則此外應徵錢糧尚多。災黎無從措辦。請將地丁漕糧漕項仍賜全蠲。以甦積困等情。臣查淮揚徐三屬。上年被淹之後。復罹水災。窮黎餬口無資。已經會疏題請動項發

接上堂一稿寫

鞠

順。前項九十分重災田地。與被災稍輕者不同。  
秋成既已無收。錢糧實難完辦。相應一并題明。  
應否仍予破例全蠲。伏懇出自聖裁。非臣  
所敢擅請者。

○沐陽安東山陽徐州歷年缺丁二萬三千六百  
有奇。疏請緩於四十年編審。以恤災黎。○太倉州  
私鹽犯人野孫三等。於二十七年被獲。監候餘  
犯質審。余親鞠。分別首從。免死罪王二等五人。  
○十一月。回署查各屬續收例米。接賑淮揚計  
六十日。用過米十三萬一千九百餘石。賑過饑民九十

竊今言五名鹽城等六州縣被災地畝前題請  
歸版荒部議仍徵錢糧余再疏請將本年錢糧  
破例全免奉 特旨俞允計銀八萬六千五百  
四十兩有奇米麥十五萬六千五百三十石有  
奇

○疏畧 鹽城山陽高郵泰州興化寶應六州縣  
居河朔之濱素稱澤國上年異常水災荷蒙  
聖恩破格蠲賑灾黎得安衽席不意今歲又據  
各屬詳報低窪之區積水未消加之霪雨連綿  
各閘壩洩水滙聚勢難驟退請歸冬勘案內至



冬勘報起徵。當據布政司詳委道員分往勘明  
積水淹田數目。造具冊結詳臣。會題。部覆。仍照  
例徵收錢糧。隨經轉行江蘇布政司通飭遵照。  
去後。今據布政使張志棟詳稱。此案原報淹田。  
四萬七千四百四十六頃五十八畝五分零。額  
徵起存漕贈等銀。八萬六千五百四十七兩九  
錢四分零。額徵米麥。六萬九千九百八十七石  
五斗零。前項地畝。原係積水未退。十分災田。麥  
禾俱未種植。若照定例蠲免。則此外應徵銀米  
尚多。無從出辦。請將康熙三十六年應徵額賦

全蠲等情。臣查淮揚等屬海州山陽等州縣。今歲已經播種被灾九分十分田畝。應徵地丁銀米。及漕糧漕項。先經具題。現奉 特旨通行蠲免。所有鹽城高郵等六州縣積水淤田。俱係十分重灾。因各屬先有歸入冬勘之請。故本年續報水灾案內。未經一併請蠲。原於勘報水灾分數疏冊內聲明在案。今部覆朕創徵收錢糧。臣恭釋 綸音內。原有該撫應勘明將今年額賦具題之旨。則是各州縣淤田額賦。難以完辦情由。已蒙 聖明洞鑒。茲據該司道詳據各

接上堂一稿  
寫

屬請照海州等處本年九十分水灾田地一例  
破格全蠲前來相應具題恭候  
皇上聖裁  
臣等所敢擅請

早二月命兒輩葬葉夫人於西陂  
十一月二十三日  
接閱卽抄

也垂問滿漢大學士各省巡撫賢否大學士伊桑  
阿啟奏江寧巡撫宋榮清廉為天下巡撫第一  
也云宋榮清廉朕久已知道臣榮叨沐種  
也恩總出望外茲重蒙

天語褒嘉伏地九頓涕泗交頤感激之餘繼以戰

栗○惟矢初終一節仰荅殊知

主十七年戊寅

余六十五歲。二月部議三十六年軍政八法。官員各直省開列先後不一。督撫俱罰俸一年。奉

旨宋華從寬免罰俸。四月淮揚饑民先後共賑。五月各屬例米查無餘積。時新麥未熟。余與總督范公總漕桑公倡率屬員各捐銀米柴束。在各州縣城鄉市鎮設廠煮粥。酌散銀錢。至麥秋方止。出陽沭陽安東三縣。康熙三十五年編

審缺額人丁九千六百二十六丁。山陽縣缺丁銀四千八百三十餘兩。因各邑疊被水災。疏請於五年後審編補額。題免淮揚二屬積湊田地丁銀四萬五千七百餘兩。

附請題免。淮揚等屬。康熙三十六年秋。災田畝。已奉有地丁銀米通行蠲免之旨。惟鹽城

山陽高郵泰州興化寶應六州縣。積湊田地。未奉有丁田蠲免字樣。應徵丁銀四萬五千七百二兩零。各屬咸稱秋災積湊。雖分兩案題報。同係災後加災。况積湊田畝。地最低窪。麥禾俱未

接上堂一松寫

播種·災民更屬困苦·丁銀力難完辦·籲請一創  
並·理合具題·恭候 聖裁

口五月淮揚二屬海州山陽安東鹽城高郵泰州  
江都寶應興化九州縣并淮安大河二衛積水  
未消難施播種春夏靈雨河湖泛溢已種二麥  
又被水淹疏請照例蠲銀五萬二千九百七十  
餘兩米三千六百二十餘石 口六月三十五年  
分白糧過淮遠限部議罰俸三月奉  
旨宋華從寬免罰俸 口三十五年分漕糧過淮遠  
限部議罰俸三月奉

宋肇從寬免罰俸。赴常州會審秋決重犯。蘇州織造烏林大李永壽家人孫雲統黨毆搶鄉紳陸經遠家。余回蘇糾參。

附疏畧

孫雲係惡少棍徒。賣身於蘇州織造烏

林大李永壽家下為僕。有國子監丁憂監丞陸經遠。僕人孫貴。忤主被責。自縊身死。孫雲輒起孫貴為繼父。統領旗民多人。蜂擁經遠家中。兇橫打搶。經遠奔憩織造。孫雲又統衆追獲。裂衣毀冠。用繩繫頸。盡毆鱗傷。時因臣赴常州會勘秋決重犯。經遠匍匐升穴具控。隨批司道提審。

接上宮一摺

及臣回署。據司道詳稱。孫雲冒稱昆親。有黨多人。毆打職官。毀搶貢物等項。俱屬真情。且所搶衣飾。見寄於烏林大廳。差彭五家中。但孫雲等俱係烏林大家下旗人。不便徑行究訊。詳請具題發審前來。臣查旗棍聚眾毆辱職官。藉命抄搶家財。均干嚴例。謹題請旨。

只月淮揚二屬夏災田地。立秋之後。陸續涸出。農時已逾。難以栽種。低窪之區。積水未退。時屢災之後。倉廩空虛。余疏請借動安徽所屬沿江各邑積穀一十四萬七千餘石。又酌捐俸工銀二萬。



兩查續收創米二萬九千餘石。給賑三個月。口糧共賑過饑民六十萬一千五百五十六口。又念淮揚徐頻年被災。請於淮郡適中之地責成。淮揚道收捐穀十萬石。以為儲備緩急之計。其災田應徵銀一十九萬一千六百餘兩。米麥豆一十一萬六百餘石。疏請全蠲。又疏請流抵淮揚徐三屬。康熙三十五年。溢完災田錢糧。

丁酉請賑疏畧

淮揚二屬。年來疊罹水患。康熙三

十七年。春夏又遭霖雨。二麥無收。雖六月下旬水勢漸消。而低窪之區。仍多積水。且立秋以後。

涸出之地。農時已失。難於栽插。西成無望。饑民  
乏食。所當賑濟。以免流離。但江蘇等屬見存捐  
積穀石。為數無多。仍請借用陸續捐運。又於江  
蘇各屬俸工銀內。捐銀二萬兩。銀米兼施。仍有  
不敷。再將蘇松等屬。節年減存米四萬餘石。安  
蘇所屬懷寧和州等近水州縣。均貯穀七萬二  
千石。餘存穀七萬五千餘石。一并暫行借賑。亦  
照常平糶事例捐補。至淮揚徐頻年被災。蘇於  
淮郡鄰近之地。責民淮揚道。收捐數十萬石。以  
為儲備緩急之計。再時已深秋。若候部覆開賑。

災民實難救待。且臣奉 命會同督漕諸臣。勘  
織下河。見在起行。凡應開歷高泰興盩寶等處  
皆屬被災地方。臣當會同督漕二臣。於勘河之  
際。再加商酌。遴委能員。分往給發。臣隨親行督  
賑。使災民早霑實惠。

○清獨疏畧 楊屬高郵泰州江都興化寶應五州  
縣。今歲二麥無收。題奉 特旨。將康熙三十七  
年錢糧。照例蠲免在案。乃原報夏災地畝。當佈  
種秋禾之時。水勢尚未消涸。今據布政司勘明  
原報夏災十分。今復被秋災十分。田地四萬九

千一百四十七頃三十八畝零。除夏災案內蠲  
免外。尚該地丁漕項銀一十一萬九千九百一  
十兩零。漕糧漕項米麥七萬四百九十四石零。  
為數甚多。被災子遺。方將藉賑延生。實難完辦。  
臣查淮揚等屬。康熙三十五六兩年。重災田地。  
應徵錢糧。皆荷 聖恩破格全免。茲康熙三十  
七年。高泰等州縣水潦地畝。夏麥失收。秋禾未  
種。一歲兩災。據請照例全蠲。所當具題。恭候  
皇上聖裁。其餘海州。安東。山陽。鹽城。四州縣。  
淮安。大河。二衛。另疏題請。不具載。

清流抵疏畧 淮揚徐三屬。康熙三十五年異常  
水災。欽奉 特旨。一應錢糧照所題盡行蠲免。  
行據司道查明未奉准蠲之前。溢完銀米麥豆  
應行流抵各數。造冊詳咨。部覆被災以前徵完  
流抵之處毋庸議。今據司道會詳災田奉蠲錢  
糧。如有已徵在官。應流抵下年。載在 欽頒足  
例。且原題乃請照額全蠲。非止請蠲未完之項。  
況康熙三十六年復被水潦。除十分九分災田  
錢糧全蠲外。其五六七八分災田銀米。係照例  
蠲免。應徵之數尚多。惟賴上年溢完之項。照例

據上堂一稿寫

流抵。灾戶得免追呼之擾。等情前來。臣查淮揚  
徐三屬。適年疊罹水患。久蒙 聖明洞鑒。所有  
康熙三十五年灾田。溢完錢糧。相應仰懇 睿  
慈。照例流抵。俾淮揚徐一帶百萬生靈。咸頌我  
皇上如天之仁。愈無紀極矣。惟是流抵錢糧。向  
經科臣姚文然。臺臣施維翰條奏。列入下年由  
單之首。使百姓共知共見。以杜侵冒之弊。今由  
單已經停止。前項溢完錢糧。恭候 俞允之日。  
容臣出示徧行曉諭。務使小民咸霑 聖澤。

凡月孫雲毆搶一案奉

旨李永壽革職各犯嚴拿究擬隨調臬司來蘇就近推勘解院親鞫將孫雲擬斬李永壽解部鞭責枷號從犯分別絞杖。

疏畧蘇州織造烏林大李永壽家人孫雲糾

黨毆辱國子監丁憂監丞陸經遠搶毀家資什物奉旨將李永壽革職有名人犯勅臣嚴拿究擬行據按察司審詳孫雲本姓陸突至陸經遠家冒認伊僕孫貴為繼父經遠詰問孫貴因忤主被責自縊身死孫雲輒思藉命打搶令彭五傳喚打降孫鳳池糾集多人雲又約同李

永壽家人梅大等聚飲酒肆。峰擁至經遠家。打  
入內室。盡毀門牕什物。搶去衣飾器皿。擄毀塾  
師。經遠情急奔憩織造。孫雲復統黨追擒。毀其  
衣帽。用草繩繫頸。盡毆鱗傷。似此惡棍橫行。法  
難輕縱。孫雲合照光棍為首。創擬斬立決。孫鳳  
池彭五徐斌照為從。創擬絞監候。陸士榮等雖  
同行聚飲。審未毀搶。解夫湯大等係情令據。榜  
非係克黨。但臨時不為力阻。各擬重杖。李永壽  
任僕行兇。迨經告發。復縱梅大等潛逃。依律擬  
流。係革職旗員。鞭責枷號。解部發落。餘屬無干。



接上宮一格寫

均予省釋。孫鳳池等所措衣物。原追給主。進犯  
梅大等嚴緝另究。臣親勘無異。應請 勅下法  
司核議。 隨經三法司核覆。奉 旨孫雲著即  
處斬。孫鳳池彭五徐斌俱依擬應絞。著監候秋  
後處決。餘依 律。

淮揚下河地方頻苦水患。先是總漕桑公奉

上諭。勘明疏濬。旋經部議。督撫會勘。適總督范公  
丁艱。余時攝篆。隨會同總漕桑公。總河董公安  
撫陳公。先集高郵。復往運河。以西上河地方。再  
由運河之東。江都泰州興化鹽城山陽及白駒